

Član 138.**Stupanje na snagu**

Ovaj Zakon stupa na snagu osmog dana od dana objavljivanja u "Službenim novinama Hercegovačko-neretvanskog kantona".

Bosna i Hercegovina

Federacija Bosne i Hercegovine

HERCEGOVAČKO-NERETVANSKI KANTON

SKUPŠTINA

Broj: 02-01-VIII-180/07

Mostar, 30.10. 2007. godine

PREDSJEDAVAJUĆI
Ramiz Jelovac, s.r.

248

Na osnovu člana 39. Ustava Hercegovačko-neretvanskog kantona („Službene novine HNK“ broj: 2/98, 4/00 i 7/04), Skupština HNK na sjednici održanoj dana 30.10.2007. godine, donijela je

Z A K O N
O PRAVIMA IZABRANIH DUŽNOSNIKA I
NOSILACA IZVRŠNIH FUNKCIJA
U INSTITUCIJAMA VLASTI
HERCEGOVAČKO-NERETVANSKOG
KANTONA

I – OSNOVNE ODREDBE**Član 1.**

Ovim Zakonom uređuju se prava izabranih dužnosnika i nosilaca izvršnih funkcija HNK (u daljem tekstu: Kantona) koja se odnose na plaće, naknade plaće i druga prava u skladu sa ovim Zakonom.

Odredbe ovog Zakona, osim odredaba člana 9., odnose se i na savjetnika predsjedavajućeg Skupštine HNK i savjetnike zamjenika predsjedavajućeg, te savjetnike nosilaca izvršnih funkcija.

Član 2.

Na prava i obaveze koje se odnose na radno-pravni status izabranih dužnosnika i nosilaca izvršnih funkcija, koja nisu uređena ovim Zakonom, primjenjuju se propisi kojima se uređuju prava državnih službenika u organima državne službe u F BiH i kantonima, te opći propisi o radu i kolektivni ugovori.

Član 3.

Izabrani dužnosnici u smislu ovog Zakona su:

- Predsjedavajući Skupštine Kantona,
- Zamjenici predsjedavajućeg Skupštine Kantona,
- i
- Poslanici u Skupštini Kantona (koji se odluču da tu dužnost vrše na profesionalnoj osnovi).

Nosioci izvršnih funkcija u smislu ovog Zakona su:

- Predsjednik Vlade Kantona,
- Članovi Vlade Hercegovačko-neretvanskog kantona - ministri (u daljem tekstu Vlada Kantona).

Savjetnicima u smislu ovog Zakona smatraju se savjetnici predsjedavajućeg Skupštine HNK, te savjetnici zamjenika predsjedavajućeg Skupštine HNK i savjetnici nosilaca izvršnih funkcija u Vladi HNK (predsjednik Vlade i ministri).

II – PRAVO NA PLAĆU, NAKNADU PLAĆE I DRUGIH MATERIJALNIH PRAVA**1. PLATA****Član 4.**

Izabrani dužnosnici i nosioci izvršnih funkcija imaju pravo na plaću.

Izabrani dužnosnici i nosioci izvršnih funkcija ostvaruju pravo na plaću danom stupanja na dužnost u skladu sa općim aktima zakonodavnog, odnosno izvršnog organa vlasti (u daljem tekstu: nadležni organ).

Izabrani dužnosnici – profesionalni poslanici pravo iz stava 1. ovog člana ostvaruju počev od dana podnošenja zahtjeva za profesionalnim obavljanjem dužnosti poslanika u Skupštini HNK.

Zahtjev se podnosi Stručnoj službi Skupštine.

Pravo na profesionalno obavljanje poslaničke dužnosti u Skupštini HNK ne mogu ostvariti poslanici koji se nalaze u radnom odnosu, osim ukoliko budu izabrani u predsjedništvo Skupštine, ili za predsjednika kluba jednog od konstitutivnih naroda ili za predsjednika nekog radnog tijela Skupštine.

Nosioci izvršnih funkcija (predsjednik Vlade i ministri) pravo iz stava 1. ovog člana ostvaruju danom potvrđivanja izbora, odnosno imenovanja u Skupštini Kantona.

Član 5.

Izabrani dužnosnici koji ne ostvaruju plaću na osnovu poslaničke dužnosti (neprofesionalci) imaju pravo na razliku plate, odnosno penzije, koju bi ostvarili na osnovu obavljanja poslaničke dužnosti,

ako je plaća odnosno penzija koju ostvaruju po drugom osnovu manja.

Kao osnova za obračun razlike plate uzima se prosječna plata ostvarena u prethodna tri mjeseca.

Član 6.

Plaća se utvrđuje množenjem osnovice s utvrđenim koeficijentom, i tako utvrđeni iznos uvećava se za 0,5 za svaku započetu godinu radnog staža izabranog dužnosnika i nosioca izvršne funkcije, a najviše do 20%.

Osnovicu iz stava 1. ovog člana Odlukom utvrđuje Vlada Kantona.

Član 7.

Koeficijent za utvrđivanje plaće određuje se prema značaju dužnosti koji izabrani dužnosnici i nosioci izvršnih funkcija obavljaju i to:

1. Članovi Skupštine Kantona:

Koeficijent

- predsjedavajući Skupštine	20
- zamjenici predsjedavajućeg	19
- predsjednici klubova konstitutivnih naroda	17
- predsjednici radnih tijela	16,5
- poslanik – delegat	16

2. Članovi Vlade Kantona:

- predsjednik Vlade	20
- ministri	18

3. Savjetnici

- savjetnici predsjedavajućeg Skupštine, zamjenika predsjedavajućeg Skupštine, predsjednika Vlade	14
- savjetnici ministara	13

2. NAKNADA PLAĆE ZBOG BOLESTI ILI POVREDE

Član 8.

Izabrani dužnosnici i nosioci izvršnih funkcija imaju pravo na naknadu plate u visini plate koju je ostvario za prethodni mjesec, i za prvih 30 dana odsustva sa posla zbog bolesti ili povrede.

Izabrani dužnosnici i nosioci izvršnih funkcija imaju pravo na naknadu plaće u visini od 90% plaće koju je ostvario za prethodni mjesec prije odsustva sa posla zbog bolesti ili povrede za odsustvo sa posla više od 30 dana.

Izabrani dužnosnici i nosioci izvršnih funkcija imaju pravo na naknadu plaće u punom iznosu koji su ostvarili za prethodni mjesec ako je do odsustva sa posla došlo iz razloga povrede na radu.

3. PLAĆA NAKON PRESTANKA JAVNE FUNKCIJE

Član 9.

Izabrani dužnosnici i nosioci izvršnih funkcija nakon prestanka javne funkcije, a do početka ostvarivanja plate po drugoj osnovi ili do ispunjavanja uslova za penziju prema općim propisima imaju pravo na platu, te penzijsko i zdravstveno osiguranje i to:

- sa radnim stažom do 5 (pet) godina, imaju 3 (tri) mjeseca punu platu koju su ostvarivali dok su bili na javnoj funkciji, a sa sljedećih 9 (devet) mjeseci 50% od te plaće,
- sa radnim stažem od 5 (pet) do 15 (petnaest) godina, imaju 6 (šest) mjeseci punu platu koju su ostvarivali dok su bili na javnoj funkciji, a sljedećih 6 (šest) mjeseci 50% od te plate,
- sa radnim stažom od 15-25 (petnaest do dvadesetpet) godina, imaju 9 (devet) mjeseci punu platu koju su ostvarivali dok su bili na javnoj funkciji, a sljedećih 3 (tri) mjeseca 50% od te plate;
- i preko 25 (dvadesetpet) godina radnog staža, imaju 12 (dvanaest) mjeseci punu platu koju su ostvarivali dok su bili na javnoj funkciji;

Pod platom iz prethodnog stava podrazumijeva se ukupan mjesečni neto iznos koji je izabrani dužnosnik i nosilac izvršne funkcije ostvario dok je vršio javnu funkciju.

Pravo na platu iz stava 1. ovog člana za izabrane dužnosnike utvrđuje sekretar Skupštine, a za nosioce izvršnih funkcija sekretar Vlade, o čemu donosi rješenje.

4. STALNA MJESEČNA NOVČANA PRIMANJA (PAUŠAL)

Član 10.

Svi poslanici u sazivu Skupštine u obavljanju svoje dužnosti imaju stalna novčana primanja (paušal) na ime materijalnih troškova.

Paušal se utvrđuje množenjem koeficijenta sa osnovicom koju utvrdi Vlada Kantona u skladu sa članom 6. stav 2. ovog Zakona.

Koeficijent za obračun poslaničkog paušala iznosi 5.

Paušal poslaniku isplaćuje se mjesečno unatrag.

5. NAKNADA ZA RAD ČLANOVIMA KOMISIJA I ODBORA KANTONALNE SKUPŠTINE

Član 11.

Izabranim dužnosnicima, članovima komisija i odbora u Skupštini Kantona za prisustvo i sudjelovanje u radu sjednica komisija i odbora, pripada naknada.

Visinu naknade, pravo na njeno sticanje, odnosno prestanak tog prava, utvrdit će posebnim aktom Kolegij Skupštine.

Isplata naknade za rad članovima komisija i odbora Skupštine vrši se mjesečno za prethodni mjesec.

Pravo iz stava 1. ovog člana ne može ostvariti izabrani dužnosnik koji je svoju dužnost profesionalizirao.

6. NAKNADA TROŠKOVA ZA SLUŽBENO PUTOVANJE**Član 12.**

Izabrani dužnosnici i nosioci izvršnih funkcija upućeni na službeno putovanje imaju pravo na naknadu troškova dnevnice, noćenja, prevoza i ostalih izdataka nastalih u vezi sa službenim putovanjem.

Službenim putovanjem, u smislu ovog Zakona, smatra se obavljanje poslova van sjedišta tijela u kome izabrani dužnosnik i nosilac izvršne funkcije obavlja svoju funkciju.

Službenim putovanjem smatra se i dolazak izabranog dužnosnika na zasjedanje Skupštine Kantona i njegovih radnih tijela u slučaju ako nije profesionalizirao svoj mandat, a mjesto zasjedanja Skupštine, odnosno održavanja sastanka, nije mjesto njegovog prebivališta.

Putni nalog izdaje lice koje je općim aktom nadležnog organa ovlaštena za izdavanje putnog naloga.

Član 13.

Dnevnicu za službeno putovanje u zemlji, bez troškova noćenja, utvrđuje se u visini od 10% prosječne neto plate po zaposlenom u privredi Federacije BiH za prethodna 3 (tri) mjeseca.

Troškovi noćenja priznaju se na osnovu računa do visine cijena noćenja u hotelu A kategorije u mjestu noćenja.

Izabrani dužnosnici i nosioci izvršnih funkcija imaju pravo na naknadu troškova smještaja na osnovu računa za korištenje hotela iznad A kategorije, u slučaju kada u svojstvu člana delegacije učestvuje na međunarodnim skupovima na kojima organizator odnosno domaćin određuje uslove smještaja.

Član 14.

Dnevnicu za službeno putovanje obračunava se od povratka sa službenog puta.

Za službeno putovanje koje traje od 8 do 12 sati isplaćuje se polovina dnevnice, a za službeno putovanje koje traje od 12-24 sata isplaćuje se puna dnevnicu.

Član 15.

Dnevnice za inostranstvo obračunavaju se od sata prelaska granice Bosne i Hercegovine do povratka sa službenog putovanja.

Ako se za službeno putovanje koristi avion, inodnevnicu se obračunava od sata polijetanja aviona sa aerodroma u Bosni i Hercegovini do sata slijetanja na aerodrom u Bosni i Hercegovini, na kojem je izvršen carinski pregled.

Ako službeni put uključuje posjetu više zemalja, u odlasku se obračunava dnevnicu utvrđena za stranu državu u kojoj se počinje službeno putovanje, a u povratku dnevnica za stranu državu u kojoj je službeno putovanje završeno.

Član 16.

Izabrani dužnosnici i nosioci izvršnih funkcija imaju pravo na naknadu ostalih izdataka koji nastaju u vezi sa službenim putovanjem kao što su izdaci za pribavljanje putne isprave, osiguranje, vakcinisanje, ljekarski pregled, službena pošta, takse, troškovi telefona i telefaksa, obrada materijala na računaru po prijepisu ili diktatu i druge usluge, u skladu sa ovim Zakonom.

Izdaci iz stava 1. ovog člana obračunavaju se prema priloženim računima.

Član 17.

Na osnovu putnog naloga izabrani dužnosnici i nosioci izvršnih funkcija mogu dobiti akontaciju u visini procijenjenih troškova.

Akontacija se utvrđuje tako što se izdatak za ishranu utvrđuje na osnovu dnevnice, a ostali izdaci na osnovu procijenjenih troškova.

Izdaci za službeno putovanje priznaju se na osnovu obračunatih putnih troškova, koji se u roku od 5 (pet) dana od dana kada je službeno putovanje završeno, podnose uz pismeni izvještaj koji je ovjerio naredbodavac. Uz obračun putnih troškova prilaže se nalog za službeno putovanje, odgovarajući dokaz (račun) za upotrebu prijevoznog sredstva, hotelski račun kao i drugi dokazi o načinjenim troškovima.

7. NAKNADA ZA TROŠKOVE ISHRANE (TOPLI OBROK)

Član 18.

Izabrani dužnosnici i nosioci izvršnih funkcija sa izuzetkom lica koja ne ostvaruju platu na osnovu poslaničke-delegatske dužnosti (neprofesionalci), imaju pravo na naknadu troškova ishrane (topli obrok) u visini do 2 % osnovice prosječne plaće isplaćene u Federaciji BiH prema posljednjem objavljenom podatku Federalnog Zavoda za statistiku.

Naknada iz stava 1. ovog člana neće se obračunavati za vrijeme odsustvovanja sa posla po osnovu službenog puta, bolovanja ili godišnjeg odmora.

8. POLOŽAJNI DODATAK**Član 19.**

Nosioci izvršne vlasti imaju pravo na položajni dodatak u visini do 30% od iznosa plaće utvrđene prema odredbama člana 6. ovog Zakona, o čemu odluku donosi Vlada.

9. NAKNADA ZA GODIŠNJI ODMOR (REGRES)**Član 20.**

Izabrani dužnosnik i nosilac izvršne funkcije, sa izuzetkom lica koja ne ostvaruje platu na osnovu poslaničke-delegatske dužnosti (neprofesionalci), imaju pravo na regres za godišnji odmor u iznosu utvrđenom aktima Vlade Kantona za državne službenike i namještenike.

Izabrani dužnosnik koji tu dužnost ne vrši na profesionalnoj osnovi (neprofesionalci) imaju pravo na razliku regresa do visine koju bi ostvario po osnovu obavljanja poslaničke dužnosti, ako je regres koji ostvaruje po drugom osnovu manji.

10. NAKNADA ZA SLUČAJ SMRTI, TEŠKE INVALIDNOSTI I BOLESTI**Član 21.**

Naknada za slučaj smrti, teške invalidnosti i bolesti izabrani dužnosnici i nosioci izvršnih funkcija ostvaruju na način i pod uslovima utvrđenim aktima Vlade Kantona za državne službenike i namještenike.

11. NAKNADA ZA OTPREMINE**Član 22.**

Izabrani dužnosnici, nosioci izvršnih funkcija i savjetnici imaju pravo na isplatu otpremnine prilikom odlaska u penziju, u iznosu od šest njihovih plata isplaćenih u prethodnih šest mjeseci ili šest prosječnih mjesečnih plata isplaćenih u Federaciji

prema posljednjem objavljenom podatku Federalnog zavoda za statistiku, ako je to za njih povoljnije.

12. OSTALE NAKNADE**Član 23.**

Izabrani dužnosnici i nosioci izvršnih funkcija imaju pravo na troškove reprezentacije u visini koju odlukom utvrdi Vlada HNK.

III – DRUGA PRAVA IZABRANIH DUŽNOSNIKA I NOSILACA IZVRŠNIH FUNKCIJA**1. Radni staž i socijalno osiguranje****Član 24.**

Izabranom dužnosniku i nosiocu izvršne funkcije, sa izuzetkom lica koja ne ostvaruju platu na osnovu poslaničke-delegatske dužnosti (neprofesionalci), vrijeme provedeno na radu u smislu ovog Zakona, uračunava se u radni staž.

Član 25.

Radi ostvarivanja prava iza radnog odnosa izabrani dužnosnici i nosioci izvršnih funkcija dužni su nadležnoj službi, prilikom stupanja na dužnost, predati u roku od 30 dana radnu knjižicu.

Član 26.

U vremenu provedenom na radu izabrani dužnosnici i nosioci izvršnih funkcija sa izuzetkom lica koja ne ostvaruju platu na osnovu poslaničke-delegatske dužnosti (neprofesionalci), ostvaruju prava iz radnog odnosa kao i pravo na zdravstvenu zaštitu i zdravstvenu zaštitu članova svoje porodice, u skladu sa općim propisima.

2. Godišnji odmor**Član 27.**

Izabrani dužnosnici i nosioci izvršnih funkcija sa izuzetkom lica koja ne ostvaruju platu na osnovu poslaničke-delegatske dužnosti (neprofesionalci), imaju pravo na korištenje godišnjeg odmora na način i pod uslovima predviđenim za državne službenike zaposlene u organima državne službe u Federaciji.

3. Pravo na životno osiguranje**Član 28.**

Izabrani dužnosnici i nosioci izvršnih funkcija imaju pravo na osiguranje od posljedica nesretnog slučaja ili smrti u skladu sa Uredbom o naknadama

i drugim materijalnim pravima koja nemaju karakter plate.

IV – PRELAZNE I ZAVRŠNE ODREDBE

Član 29.

Nadležni organi dužni su uskladiti opće akte sa ovim Zakonom u roku od 30 dana od dana stupanja na snagu ovog Zakona.

Član 30.

Danom početka primjene ovog Zakona prestaje da važe odredbe Uredbe o naknadama i drugim materijalnim pravima koja nemaju karakter plaće („Službene novine HNK“, broj: 2/05), koje se odnose na izabrane dužnosnike i nosioce izvršnih funkcija, a regulisane su ovim Zakonom, Odluka o naknadi (paušalu) i naknadi drugih materijalnih troškova, plaćama zaposlenih u skupštinskim službama i funkcionerima koje bira ili imenuje Skupštine HNK („Službene novine HNK“, broj: 5/98), te Odluka o izmjeni i dopuni Odluke o naknadi (Paušalu) i naknadi materijalnih i drugih troškova poslanicima, plaćama zaposlenim u skupštinskim službama i funkcionerima koje bira ili imenuje Skupština HNK („Službene novine HNK“, broj 3/02), u dijelu koji se odnosi na lica tretirana ovim Zakonom.

U slučaju da određene naknade nisu regulisane ovim Zakonom, a regulisane su tom Uredbom, primjenjivat će se u odnosu na lica iz stava 1. ovog člana odredbe Uredbe o naknadama i drugim materijalnim pravima koja nemaju karakter plata.

Također, danom početka primjene ovog Zakona prestaju važiti svi drugi opći akti Vlade HNK u dijelu u kojem se odnose na izabrane dužnosnike i nosioce izvršne vlasti HNK koji su tretirani ovim Zakonom.

Član 31.

Ovaj Zakon stupa na snagu danom objavljivanja u „Službenim novinama Hercegovačko-neretvanskog kantona“, a primjenjivat će se od 01.11.2007. godine.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
S K U P Š T I N A

Broj: 02-01-VIII-189/07
Mostar, 30.10.2007. godine

PREDSJEDAVAJUĆI
Ramiz Jelovac, s.r.

VLADA HERCEGOVAČKO - NERETVANSKOG KANTONA

249

Na osnovu člana 16. stav 1. i člana 17. stav 2. Zakona o Vladi Hercegovačko-neretvanskog kantona („Službene novine HNK“, broj: 3/07) i člana 28. Poslovnika o radu Vlade HNK („Službene novine HNK“, broj: 8/04 i 1/05), Vlada Hercegovačko-neretvanskog kantona je na 6. sjednici, održanoj 09.11.2007. godine, donijela

O D L U K U O USVAJANJU IZVJEŠTAJA O RADU VLADE HERCEGOVAČKO-NERETVANSKOG KANTONA ZA PRVIH STO DANA

I

Usvaja se Izvještaj o radu Vlade Hercegovačko-neretvanskog kantona za prvih sto dana.

II

Izvještaj iz tačke I Odluke čini sastavni dio ove Odluke.

III

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02-1724/07
Mostar, 09.11.2007. godine

PREDSJEDNIK
Srećko Boras, s.r.